

Unzhulimaske zakoni pe Folkbiblioteken ando Lund

Bibliotekaki kartchia si e kija khaj but zhutimata so shaj te lel pe ande biblioteka thaj si te avel pasha manush sako drom kana djal pe khaj e biblioteka.

O manush khaj si gazda pe peski bibliotekaki kartchia inkrel reponsebilita anda peske unzhulimata thaj kaver aktivitetura so si pangle khaj e kartchia.

Te lel pe unzhule kevni thaj kaver materialo si pe jiva (gratis).

Bibliotekaki kartchia

Bibliotekaki kartchia si pe jiva kana sikavel pe jekh legitimacia khaj si vaznho. Chavora (tela 18 bersh) si te anaven jekh skiripe khatar pesko gazda (dat, dej) ke slobodo si e chavoreske te avel les jekh kartchia.

Hasardi kartchia si te phandavel pe sar maj sigo po telefono 046-359 59 90 vaj Mina sidor. Kartchiako numero vaj personnumero thaj PIN-kodo trobuj te avel.

Pochinipe (kosta) pe jekh hasardi bibliotekaki kartchia

Phure 40 kr

Chavora tela 18 bersh 20 kr.

Unzhulimaski vrama

Unzhulimaski vrama si shtar kurke. **Numa si materialo so lel pe unzhule pe jekh skurto vrama.**

Varningo kana nakhel e vrama pa e-mail si jekh extra zhutipe so amen das. Tu san mindik kodo kon inkrel e reponsebilita te inkres tut pala e bibliotekake zakoni thaj te ingres palpale e unzhulimata pe vrama.

Kosta pe unzhulipe so chi avel pe vrama

- 5 kr pe sako volymo thaj djes, maximalno 100 kr pe volymo thaj unzhulipe
- Skurto vramako unzhulipe 10 kr sako djes, maximalno 120 kr pe volymo thaj unzhulipe
- Gazhetako unzhulipe 5 kr pe sako djes, maximalno 50 kr pe volymo thaj unzhulipe

Chi soske kosti pe unzhulimata so chi aven pe vrama chavorenge so si tela 18 bersh.

Chi birij pe te pochinel pe pe rati pe kadal kosti.

Hasardo/phagerdo materialo

- Phurengi media 350 kr pe sako volymo
- Chavorengi media 200 kr pe sako volymo

Te si e valuatcia maj bari sar kadal kosti lel e biblioteka jekh debitatcia pe jekh maj kuch valuatcia (kosta) pe hasardo vaj phagerdo materialo.

OBS! Biblioteka chi inkrel chi soski responsebilita te padjiol e manusheske varisave apparatura khatar materialo so sas lino unzhule khatar e biblioteka.

Hasardo chachipe ando unzhulipe

Manush so chi inkren pe pala e unzhulimaske zakoni vaj khaj chi pochinen pesko unzhulipe khaj e biblioteka shaj te hasaren pengo chachipe te len maj dur unzhule khatar e biblioteka.

Bibliotekaki kartchia phandadjiol automaticne te si maj cera 50 kr ando unzhulipe.

Organizatcia/politikura

Decizia pa e kosti lel o kommunfullmäktige.

Folkbiblioteken ando Lund si tela Kultur & Fritidsförvaltningen.